

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) ممالک اجنیه ایچون
سنه لکی ۳۲۵ غروشدور.

نسخه سی • غروشدور •
ایکی نسخه برآراده
(۱۰) غروشدور
سنه لکی ۵۲ عددور •

اداره خانه : باب عالی جاده سنده
رشید افندی خاتمه

اخطارات
آبونه بدلی پشیندر •

مسلكه موافق آثار مع المنونیه
قبول اولنور • درج ایدلمه یین
یازیلر اعاده اولنماز •

تذکره

آدره من تبدیلنده ایریجه
• غروش کوندرملیدر •

مکتوبلرک امضالری واضح
و اولوناقلی اولسی و آبونه
سره نومروسی عیشوی
بولونسی لازمدور

ممالک اجنیه ایچون آبونه
اولانلرک آدرس لری نیک
فرانسیزجه یازلمسی رجا اولنور •

پاره کوندردلیکی زمان نه به
داثر اولدینی بیلدیرلمسی
رجا اولنور

اتبعون اهدکم سیل البرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

هر ایسته دیکنی یا بیلمکده کنیدی حریت مطلقه صاحبی عدایدیور. خلق ده عقائد و حسیات مخالف اولان بو احوال و حرکاتدن صوبه درجه متأثر و منفعل اولیور. واقعا خلق بوگون کوزیاشرنی قلبنه آقیتور. فقط برکون اولور، قلبی ده تحمل ایدمن برحاله کلیر. دنیا ده برملک کیزی بکسی قدر مدھش و آجیقلی هیچ برشی یوقدر. اک بوبوک اداره حکیملری او ذواتدرکه اداره ایتدکاری ملتلك قبلرینی اوقورلر و اوقبلرک محبت و توجهلرینی هر ذوقک، هر کیفک، هر قوتک فوقده تلقی ایدرلر.

مطبوعات

غریبی و (لایق - لایق) لك

(ایلری) غزته سی باش محرری صبحی نوری بکک بر مقاله سندن:
« غنانه قارشی متحد بر ملی جبهه فورق مجبوریتندیز. »
عالم اسلامی ملتجیلره معاونه دعوت ایدن (ایلری) لك بر مقاله سندن:

« یا ایها المؤمنون و اعصموا... انما المؤمنون اخوة... تورك مسلمانلری
محافظه کلمه الله ایچون بو حرکت دلیرانده بولوندیلر. »
عینی نسخه ده (صبحی نوری) بکک توحید افکار حقننده یازدیغی
بر مقاله دن:

« ولید بك جسارت صاحبی بر محافظه کاردر. او هب ماضی دوشونور،
بز ایسه هب استقبالی حاضرلار. او، شرقی و دینی در، بز ایسه (لایق)
وغریبی. او ترقیزی، استقبالی تأمین ایچون غننه دن، ماضیدن امید
بکله یور. بز ایسه عینی غایبه وارمق ایچون اوروپا و آفریقادن مثال آریور. و
نهایت بز بو کونی ملی دولت، حکومت و مجلس طرفداریزی، او ایسه
مستقلدر، محافظه کاردر. »

توحید افکار صاحبی ابوالضیا زاده ولید بکک (ماضی و آتی)
عنوانلی مقاله سندن:

« بزده صوبه زمانلرده مع التأسف عقائد اجتماعیه ی ده مسائل سیاسییه
قاریشدیرمق عادت اولدی. حتی بو خصوصده اک ایلری کیدنلردن بری ده
آغا اوغلو احمد یکدر. آغا اوغلو احمد بك بز صوبه ویردیکی جوابده
شرقیلک استبداد طرفدارلاندن باشقه برشی اولامایه جنی نظریه سی اورنه
چیقارمش و شرقی و محافظه کارم دینه بر آدمک مطلق سلطنت فردیه طرفداری
اولسی لازم کله جکنی ادعا ایتشدی. حالوکه بر آز منطقی و انصاف ایله
دوشونلر بو ایی مسئله آرمنده بر مناسبت بولونمادیغی تسلیمده هیچ تردد
ایتمزلر. حتی (شرقی) دیمکدن مقصد (سیاست اسلامی) طرفداری دیمک ایسه
اصل اسلامچی اولانلرک حاکمیت فردیه دکل، حاکمیت ملیه طرفداری اولدیغی
قبول ایتک لازمدر. چونکه اسلامیت مشورت اوزرینه مؤسسدر. بناء علیه
عقیده اسلامی سی تام اولانلر مطلق امور ملتک مشورت عامه ایله تدویرینی
ایستروبناء علیه بوکیلر عقیده دینه لری اعتباریله ده حاکمیت ملیه طرفدارلیدر.
« ماضی و آتی مسئله سنه کلتجه: صبحی نوری بك آرقداشملرکده » بز
لایق و غریبی یز « دیمکله نه قصد ایتدیکنی بك این آکلیه مادیقیزی اعترافه

یوزندن دعوتیلردن بر قسمی ایاقده قالمش و بك زیاده صیقشیق بروضه میتده
طورمش... »

ایسته غریبلاشمه لك بالفعل تطبیقانه استابول بوسورتله باشلا یور.
ایشتدی کمزه کوره، تخصیصاتی تنقیص ایدیلن مکتب ضایع بك بوبوک
مشکلات ایچنده قالمش، اگر امدادینه یتیشلمه یه جک اولورسه کچن سنه کی
وضعیته بیله محافظه ایدمه جکمش. بز بویه تشویق آمیز اجتماعلرک
دارالاحاندن اول، مکتب ضایعک ما کتله لری باشنده اولسنی بکلردک.
بوندن باشقه مسلمان خانلرینک نامحرم ارککلر حضورنده جالنی
چالماری، شرقی سوبه لاری قطعاً آداب ملیه اسلامییه ایله قابل توفیق
دکادر. کچن کون وطن غزته سی و غریبک اینی جهتلری قبول اولونمسی،
فقط ملی و دینی هویتله استخفاف ایدلمه سی، سوبیلوردی. فقط
مع التأسف بز دائماً غریبک اینی اولیان جهتلرینی قبول ایدیور، ملی
و دینی هویتک ضیاعی ایچون الدن کلن هریشی یاییور. هر کس
فردی صورتده پایدیغی جمعیت حضورنده ده یا بیه قالدیشه جق اولورسه
هیچ برضبط و ربط اجتماعی قالمازه هیئت اجتماعیه افرادینی یکدیگرینه
باغلا یان رابطه لر جوزولور؛ بونک نتیجه سی آنا رشیدن باشقه برشی
اولماز. هر جمعیتک کنیدنه مخصوص بر طاقیم آداب و اساسات اجتماعیه سی
واردر. اوجمیت ایچنده یاشایانلرک او آداب و اساساته حرمت و رعایت
کوسترملری اک ابتدائی بروظیفه در. یالکیز بروظیفه انسانییه دکل،
بر وظیفه حقوقیه درده. اونک ایچوندرکه بو آداب ملیه لك محافظه سی
قانوناً تحت تأمین آلتشدیر. قانون ایله، دینی و ملی هویت ایله استخفافه
ظن ایدرزکه هیچ کیمسه لك حق یوقدر. اگر هر کس کیفه کوره
حرکت ایدمه جکسه، هیئت اجتماعیه منک من الارل تأسیس ایدن و محافظه سی
قوانین موضوعه ایله ده تحت تأمین آلتان آداب و اساسات اجتماعیه سی
هر هانکی بر ذات استخفاف ایدمه بیله جکسه بویه بر حرکت نظام اجتماعینک
مختل اولدیغی خلقه قارشی اعلان ایتدکدن باشقه بر معنایی حائر دکادر.
بو تقدیرده آریق هیئت اجتماعیه کنیدی باشک چاره سنه باقی اقسا ایدر.

بز امید ایدرزکه بوبوک ملت مجامعی بوتون بومسئله لری اساسندن
حل ایدمه جکدر. حکومت، یا تشکیلات اساسیه و مدنییه قانونلریله
محافظه سی درعه ده ایتدیکی آداب و احکام اسلامییه یی جدی صورتده
سیانته دوام ایدمه جکدر، یا خود بو آداب و احکامک محافظه سی
حکومتک دائره وظیفه سندن خارج اولدیغی اعلان ایله بو آداب و احکامک
محافظه و اجرا سنه دائر مواد قانونیه یی الفا ایله جکدر. زیرا بو وضعیت
قطعاً بوشکلده دوام ایدمن. دور سابقده اولدیغی کی مسئله لك هیچ ده
اداره مصلحتله سور و کلمه سنه تحمل یوقدر. ملتک اک ضمیمی حسیانته،
اک مقدس عقائد اجتماعیه سنه تعلق ایدن بونقطه لك اهمالی اصلاً جائز
دکدر و حکمت اداره ایله ده تألیفه امکان یوقدر. بعض کیمسه لر

مجبور. فرنگجه (لایق) کلهسی اتحاد و ترقی دورنده اولدینی کی زمان حاضرکده اک بویوک حکیمی عدایدین ضیا کونک آلب بک (لادینی) تعبیرله ترجمه ایشیدی . بو هر بجه (لادینی) تعبیری تورکجه یه چوریلنجه آچیقجه (دینسز) دینک ایجاب ایدر . شو حالده (لایق) ادعاسنده اولانلرک دینله هر درلو علاقهی بوس بوتون قطع ایتک نیتنده اولدقلرینه می حکم ایتک لازم کلهجکدر ؟ »

(اقسام) غزنه سنک باش محرری (نجم الدین صادق) بکک بر مقاله سندن :

« اور وادین بر جوق شیرلی تقلید ایدوروز . بونلردن بعضی اجماعی بنیه مزه قابل تطبیق اولدینی ایچون بقا بولویور . فقط تقلید ایتدیکنمؤسه و یا فکر جریانلردن بر قسمی مملکت مزده کندیلرینه موافق بر محیط بولامادقلری ایچون زواله محکوم اولیورلر . چونکه هر شی ، هر مملکتده ، هر ملتده قابل تطبیق دکدر . آرتیق ابتدائی مکتبلرده چوقلرک بیله بیلدکلری بو حقیقی بیلک ایسته مین اختراص صاحبلی وار . »

عربله نك دوشمنه اولدینی شایانه اسف درک

اقدام غزنه سی صاحبی احمد جودت بکک عدلیه ایشلرینه تخصیص ایتدیکی بر مقاله سندن :

حقوق مکتبه ده سائر مکتبلره بالاخره پیرو اوله رق انقلابدن سوکره ، ندنی یه اوغرامشدرکه سبی اسرائیل افندی سرخومک فکر خیر خواهانه سیدر . مرحوم ایسته دی که هر کس حقوق علمی اوکرنسون . بقال چقال مکتبه کیردیلر ، کویا او علمی اوکرنیدیلر . عدلیه منری اولدیرمن ضربلردن بری بو اولمشدر حاکمک متشقت احوالنه بر طاقم وکیلرک شارلاتانلی منضم اوله رق بو کونکی احوال حادث اولمشدر . یعنی دولتک وظائف عدلیه سی مختل اولمش ، بر دولت تشکیلنده برنجی مقصد اولان توزیع عدالت ماده سی حقیقه شایان اسف بر درک یه دوشمشدر .

بر تأثرم — اولیسی کون جوار مزده کی اسکی ضبطیه جاده سندن کچور ایدم . بر ویرانه نك قیوسندن باقدم . کوجوک بر قیو اوستنده « صلح محکمه سی » لوحه سی ! احتمال رئیس بک ای ، مقتدر بر ذاتدر . فقط او مدخلی ویرانه اولان محکمه بیلکه کز بنده نه تأثرلر اوپاندیردی . وقتیه محمود پاشا جامی حولیسنده خراب ، کهنه بر محکمه شرعیه واردی . اورادن نه زمان کچسم ، کندی کندی « بوراسی احقاق حق ایدمک ، اویله می ؟ » دیر و او قیودن کیرن بی نومه آجیردم . بو صلح محکمه سی مدخلک بنده بر اقدینی تأثیر دما شدتلی اولدی ، چونکه ملتیمی یتیم کوردیم . حالبوکه استنبولده قدر بوش بنار وار . مثلاً صرف بر مکالمه مخصوص اولان تورک اوچاغنه هیچ لزومی اولمادینی حالده مکلف و مخالف اقتصاد بر بنا تخصیص اولونمش . او بر طرفده احقاق حقوق عامه ایچون بر ویرانه تسبیب ایدلش !

خلقك آرزوسی

منع مسكرات قانونك عینیدر محافظه اولونمیسیر

کر ماسقی منتخب نایب لرینک منع مسكرات قانونك تعدیلی حقنده کی تشبیلری پروتستو ایدن تلغرافی اوزرینه توحید افکار غزنه سی بوتون مملکت منتخب نایب لرینک انقروده کی وکیللرینک امداد لرینه یتشمه سی لزومی اخطار ایشیدی . اوندن سوکره هلال اخضر جمعیتی ده فوق العاده

بر اجتماع عقد ایدمک منع مسكرات قانونك تعدیلی حقنده کی جریانلری پروتستویه ، بویوک ملت مجلسنه بر تقرر ارالنه قرار ویرمش ، دیگر طرفندن ده خلقی بو خصوصده افکار و آرزوسنی اظهار دعوت ایتمش و بلدیله نایب لرینک حمایه سی آلتنده هر قضاه برر هلال اخضر شعبه سی تشکیلی ایچون بوتون لوا و قضا بلدیله ریاستلرینه مراجعتده بولونمشدی . اخیراً آلمان معلومانه کوره آناطولانک مختلف محللارندن آنقره یه چکیلان تلغرافلرده خلقک منع مسكرات قانونك محافظه سنه طرفدار اولدینی بیلدیرلشدر .

از جمله ، (ظفر ملی) غزنه سننده او قودیمزده کوره ، قره سی مفیسی ایله بلدیله تجارت ، مدافعه حقوق رئیس و هیئتلی و اشرافی طرفندن ملت مجلسی ریاستده ، قره سی مبعوثلرینه و شرعیه وکالنه بر تلغراف چکیامش ؛ بوندن باشقه منتخب نایب لر طرفندن ده یتیمه مقاماته اولق اوزره دیگر بر تلغراف کشیده اولونمشدر .

مفق افندی ایله رفقاسی طرفندن چکیلان تلغرافنامه نك صورتی : « اخلاق ، صهی ، انضباطی فوایدی مجرب و مسلم اولان منع مسكرات قانونك ادامه سی خصوصنده مجلس عالی ملینک اتخاذ ایدمکی قراره منتظر بولندیمیزی کال حرمتله عرض ایلرز . »

ظفر ملی غزنه سی دیورکه : « مجلس عالی نك بو خصوصده اتخاذ قرار ایتیمه سنه حاجت یوقدر . چونکه منع مسكرات قانونی الیوم مرعی و موجوددر . احتمال بعضی لرده الفاسیایمه سی تحقق ایتدیرمک ایسته یلر طرفندن منع مسكرات قانونك مراسم تدفینه سی ! ، نامه فعلاً کوستریلدکی ایشیدیلان چیلغینلر ، قانونشکنلکلر مملکتتمز هیئتلی قرار ایسته می یه سوق ایتمشدر . نه حزن منظره ! »

قره سی منتخب نایب لری طرفندن چکیلان تلغرافنامه صورتی ده شودر : « ملی مجادله تاریخنده کی موقعی ، خدماتی معلوم اولان لوانر خلقک اونه دنبری سائق حیت و حرکتی آنجق حسیات اسلامییه سی اولمشدر . مقدس قانونك نشرندن جوق زمان اول مسكراتی فعلاً منع ، میخانه لری سد ایدن قره سی اولادلری بوکون عشرت و امشالی اهنده کی تصوراتک تحقق احتمالی قارشیسنده کی غلیانله تیزمه مکده در . ملتیزک روح اصیل دیانت پرورینی هنوز آکلامق ایسته می یلر لطفاً حقیقی افهام ، مقدساتزه قطعی صورنده حرمتده بولونیلما سنک تأمین و تبشیر بیورولسنی طلب و استرحام ایدموز . »

ظفر ملی غزنه سی « منع مسكرات قانونك تعدیل و یاالفا ایدیله جکی حقنده کی شایعانه بویوک بر اهمیت ویرن خلقک صوک زمانلرده خیلی اندیشه واضطرابلره دوشدیکسی و بواندیشه واضطرابلردن ملهم اوله رق بو تلغرافلری چکمش اولدقلری ، منع مسكرات قانونك قدسی و سرمدی بر قانون اولدینی ، طوغرودن طوغرویه احکام اساسیه اسلامییه مزدن ، منافع عامه و ملیه مزدن طوغان واولکی ملت مجلسی طرفندن بویوک بر مقصد اسلامی ، اخلاقی و صهی ایله تدوین اولونان بو قانونك قالدیریلسنی آمال و اراده ملیه کلیاً مخالف اولدینی ، ده علاوه ایتمکده در .